



‘Šta vam je pa sjedite na putevima? Čuvajte se sjedenje po putevima.’

Ebu Talha, Zejd b. Sehl veli: „Sjedili smo u avliji i razgovarali, pa je došao Poslanik, sallallahu alejhi ve sellem, i kazao: ‘Šta vam je pa sjedite na putevima? Čuvajte se sjedenje po putevima.’ Rekli smo: ‘Mi tu sjedimo samo kako bismo razgovarali.’ A on reče: ‘Ako već trebate sjediti, onda dajte putu kojim se prolazi njegovo pravo, a ta prava su: obaranje pogleda, odgovaranje selama, i lijep govor.’“ Muslim.

[Vjerodostojan] [Hadis bilježi imam Muslim]

Ebu Talha, Zejdb. Sehl veli da su oni sjedili u avliji i razgovarali, pa je došao Poslanik, sallallahu alejhi ve sellem, stao iznad njihovih glava i pitao nešto, te im zabranio da sjede po putevima. Rekli su: “Mi tu sjedimo samo kako bismo razgovarali.”, tj. ovdje smo zbog nečega što nije sporno u šerijatu, ovdje sjedimo zbog nečeg dozvoljenog. Poslanik reče: “Ako već trebate sjediti, onda dajte putu kojim se prolazi njegovo pravo.”, a u drugoj predaji stoji: “Ako već morate sjediti, onda dajte putu pravo koje mu pripada.” Tada im je kazao o kojim se pravima radi: obaranje pogleda, odgovaranje selama, i lijep govor. U drugoj predaji stoji: obaranje pogleda, uklanjanje onoga što smeta prolaznicima, odgovaranje na selam, naređivanje dobra i odvratanje od zla, tj. ako već sjedite onda vam je obaveza da ispuniti ovo što je naređeno. Poslanik, sallallahu alejhi ve sellem, je pojasnio razlog zabranjivanja sjedenja na putu, čovjek se tada izlaže raznim iskušenjima poput gledanja u žene i na taj način može da ugrozi neka od Allahovih i ljudskih prava, za razliku od toga kada bi ostao kod kuće gdje se tome ne bi izlagao. U ovom slučaju naređeno je savjetovati dobro i odvratanje od zla, jer ako se to ostavi, onda se izlaže grijesima prema Allahu. Također, u tom slučaju on je izložen prolaznicima kojih može biti mnogo, pa im svima ne mogne odgovoriti na selam, što je grijeh. Čovjeku je naređeno da se ne izlaže iskušenjima (fitnama) i da se ne opterećuje onim što ne može izvršiti. (Ikmalul-mu’lim šerh Muslim, 7/44., Šerhu rijadis-salihin, 6/361.)

<https://sunnah.global/hadeeth/bs/show/8896>

